

کتاب طبرستان

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۲ ۱۵ جمادی الاولی سنه ۱۳۳۰ پنجشنبه ۱۹ نisan ۱۳۲۸ برنجی جلد

[رساله مندرج مقاله لک و بتون یازیلرک حقوق ، (حق تألیف قانونی) و جنبه محفوظدر .]

تفسیر نشریه انوار

۵۵ — وَ اَذَقَلْتُمْ يَامُوسَى لَنْ تُؤْمِنَ لَكَ حَتَّىٰ رَىٰ اللّٰهُ جَهَنَّمَ فَاَخَذَتْكُمُ
الصَّاعِقَةُ وَاَنْتُمْ تَنْظُرُونَ

[بنی اسرائیل جناب حق کورمک ایستدیلر . بو بروقه مستقلا در ، بونک عجله
پرستش خصوصنه اتصال و ارتباطی یوقدر . بووقه بنی اسرائیل زدنده معروف و کتابارنده
منصوصدر . بنی اسرائیلدن برطاقه: نیحون مکالمه الهیه موسی ایله هرونه مخصوص اولسونده
بز بو شرفدن خارج قاله دیدیلر . بوسوز بنی اسرائیل ارمسنده انتشار ایتدی . و هرونک
وقتندن صکره انلردن برجاعت جرأت ایدوب موسی ایله بنی هرون اوزرینه قیام ایلدیلر .
و دیدیلرکه اللهم شعب اسرائیل اوزرینه رایکن اولان نعمتی ابراهیم واسحق ایچوندیر ،
بو حالده نعمت واقعه شعبک جمیع افرادینه شاملدر . دونوب موسایده دیدیلرکه سن بزدن

افضل دكلسين ، بزدن دها رفيع القدر اولمكى مستوجب برميزتك اولمقسين اوزرمزه ترفع ايتمكه حقك يوقدر . و بز اللهى عياناً كورمدكجه سكا هيچده ايمان ايدهجك دكلز . بونك اوزرينه موسى انلرى خيمه عهده المسيله ير ياريلوب انلردن برطافهين بلع ايتدى . و ديكر طرفندن ده آتش كلوب افراد باقيه اصابت ايتدى . صاعقه تعبير اولنان آتش بودر . او طافه بوعقوبته كرفتار اولور ايكن ديكرلى كوريور ايدى . بنى اسرائيل بويله جه موسى عليه السلامه قمرّد و معانده ايتدكجه اوزرلردن عقوبت الهيه اكسيك اوليور ايدى . برچوق خسته لككره ، وبالر دوجار اوليورلر . و اوزرلرينه حشرات و ساثره مسلط ايديليور ايدى . بوآفات ايسه ايجلرندن بر چوقنى قيروب كچيريور ايدى . شوخالده انلر ذات رسالتما ب افسدمنك حق بيغمبر اولديغنى بيلوب طورر ايكن رسالت عليه سنى بويله عن علم انكار ايتلرى اوتهدنبرى مألوف بولندقارى احوال و افعاله نظراً شاين تعجب دكلدر . انلرك رؤيه الله طالب اولملىله قسماً دوجار اولدقارى عقوبته اشارت اولنهرق شويله بيوريلبور : [بونى ده درخاطر ايدك كه سز : ياموسى بز اللهى عياناً كورمدكجه البته سكا ايمان ايتمه جكز ديديككز زمان سزه صاعقه چارپدى ، سزده [بونى] كوريورديكز [سز بويله برطلب نابجاده بولنديكز وقت هاندم قهر الهى ظهور ايتمسيله سمت سمان آتش كلوب سزى بيروح اولهرق يرله سردى ، سزده برى بريككزك بيروح اولهرق يرله سرلديكى مشاهده ايدبورديكز] .

۵۶ - ثُمَّ بَعَثْنَاكُمْ مِنْ بَعْدِ مَوْتِكُمْ لَعَلَّكُمْ تَشْكُرُونَ

سز [تأثير صاعقه ايله] اولمشيكن صكره سزى ، بلكه تشكر ايدرسكز ديه [موسى عليه السلامك دعاسيله] بعث [واحيا] ايلدك [بعضيلرى ديدياركه بوراده بعث ايله كثرث نسل مراددر ، يعنى بنى اسرائيل ايجنده صاعقه و آفات ساثره ايله وفيات وقوع بولوبده نسللارى منقرض اوله جقدر ظن اولمشيكن جناب حق نسللرينه بركت ويرمشدر . ديمكدر - انتهى .

آلوسى مرحوم بوراده موت روحك جسندن مفارقتى معناسنده ظاهردير ديدكدن صكره شويله سويله يور : بعض ناس ديدى كه بو موت غشى و هموددن عبارت اولوب يوقسه موت حقيقى دكل ايدى ، نته كيم « ويا تيه الموت من كل مكان و ماهو بميت » قول شريفنده

بومعنايه در . بعضيلرى ده موتى مجاز اوله رق جهل معناسنه حل ايتدى ، نتهكيم ، او من كان ميتاً فاحييناه ، قول كريمنده بومعنايه محمولدر . بومعناي مجازي نثراً ولفظاً شاعدر . وشاعرك شو سوزى او معنايه معطوفدر :

اخوالعلم حتى خالد بعد موته و اوصاله تحت التراب رميم

وذوالجهل ميت وهو ماش على الثرى يظن من الاحياء وهو عديم

بوصوك تقديره كوره بمث تعليم معناسنه اولوب مفاد آيت كريمه : جهلكزدن صكره

سزى تعليم ايلدك ديمك اولور - انتهى] .

بو آيتلردن هيئت اجتماعيه نقطه نظر نجبه النهج عبث شودر كه بورايه قدر سرد اولنان وقائلك كافه سنده خطاب عصر نزول قرآنده موجود اولان بنى اسرائيله توجه اولمشدر . وقائع مذكوره آباء بنى اسرائيله متعلق اولدينى حالده خطابده انلر ايله انساللك ارملرى تفريق ايدلامشدر ؛ او درجه تفريق ايدلامش كه عبث المغه ونشكر ايتمكه دعوت اولنان بنى اسرائيل ، كويا وقتيله نفسلرينى اولديرمش وياخود كنديلرينى ييلديرم اورمش اولان افراد بنى اسرائيلك عيني ايمش كي خياله بربادره بيله اويانيور . خطابك بواسلوب اوزره وارد اولسى انجق امتده كي معنائى وحدتى ارائه ، ولهدا جناب حقك برامتى مظهر ومبتلا ايلديكي حسنات وسيئات ايله اكا مكافاة ومجازاة ايتديكي نعمت ونعمتلك كافه سى انجق او امتده موجود اولان رحالته مبتنى اولديغنه نظر ايديلنجه انك افراد سابقه سندن صدور ايتمش افعالدن طولاني كويا او افعال كنديسندن صادر اولمش كي افراد لاحقهمنه خطاب ايدلسى صحيح اولدينى ايجوندر ؛ بوده اجتماع بشرده عادت الهيه افراد امك برى برينه متكافل اولملرى اوزرينه جريان ايلديكى ناس بيلسونده هرفرد سائر افراد امك سعادتى كندى سعادتى وانارك شقاوت وسفالتى كندى شقاوت وسفالتى كي كوره رك بر امتده ذنوب فاش اولدينى زمان او ذنوبده دخل واشتراكى اولسه بيله اندن طولاني امته كله جلك عقوبتدن كنديسنكده نصيبه دار بلا اوله جفته منظر اولسون ايجوندر . « واتقوا فتنه » لاتصيين الذين ظلموا منكم خاصة [۱] . « امتلارده كي بوتكافل انارك ترقيلرى ايجون معراج اعظمدر ، چونكه بوتكافل اكا آشنا اولان امتى خيرده برى برينه تعاونه وشره مقاومته سوق ايدمجهكي جهتله او امت شبهه سز فلاح ونجات بولور - ع .

[۱] مأل منبى : حذر ايدك اول فتنه وبله دن كه وقوعه كالديكى زمان ايجكزدن يالكز ظم

ايدنلره اصابت ايتز ، اندن جمله منضرر اولورسكز .

۵۷ -- وَظَلَلْنَا عَلَيْكُمُ النِّعَمَ وَأَنْزَلْنَا عَلَيْكُمُ الْمَنَّاءَ وَالسَّلْوى كُلُوا
مِنْ طَيِّبَاتِ مَا رَزَقْنَاكُمْ وَمَا ظَلَمُونَا وَلَكِنْ كَانُوا أَنْفُسَهُمْ يَظْلِمُونَ

[جناب حق بوآیت کریمه ده بنی اسرائیل کفران نعمت ایتدکاری نعم جمله سندن اولوق اوزره ایکی نعمت ده اذکر ایدیور . فقط بوایکی نعمته انلرک نه صورته کفران ایتدکاری ذکر ایتیبو طی ایدیور . وخاتمۀ آیتده : انلر بزه ظلم ایتدیله . ولکن نفسلرینه ظلم ایتمش ایدیله او ذنب مطوییه اشارت بیوریور . بواسوب ، تذکاره متعلق اسالیب بیاندن براسوب دیگر واقوای دعائم اعجاز اولان ایجازک انواعندن برنوع مخصوصدر . اوایکی نعمتدن بری بنی اسرائیل صحرای تهیده ایکن اوزرلرینه بلوطک تظلیل وسایبان ایدلسیدر . بنی اسرائیل اوراده ایکن جناب حق انلرک اوزرینه بلوط کوندروب کندیلرینی تظلیل ایتیه ایدی کونش چاربوب یوزلرینی یاقه جق ایدی . بو برنعمت مستقلا اولوب سیاق تذکارده ماقبلنه متصل ایسه ده وقوع جهتیه ماقبلندن منفصلدر ، زیرا بنی اسرائیل ارض موعوده ده داخل اولنجیه قدر تظلیل استمرار ایش ایدی . ایکنجی نعمت ده بنی اسرائیلۀ مَنّ و سَلْوى انعام واحسان اولمیسیدر . سفر خروجده ذکر ایدلیکی اوزره بنی اسرائیل قرق سنه [مَنّ] اکل ایدیلر . مَنّ طعمجه عمل ایله مزوج خبز رقیق کبی اولوب اتمکۀ بدل کندیلرینه احسان اولمشیدی ، یوقسه انلر ایچون [مَنّ] دن بشقه انجق سلوی اولوب ماعدا اکل یوق ایدی دیگ دکلدر ، چونکه انلر ایله برابر مواشی دخی وار ایدی ، فقط ایلروده معلوم اوله جنی اوزره نبات وسبزهدن محروم ایدیلر . جناب منزل الفرقان بنی اسرائیل حقنیده رایکان بیوردینی بوایکی نعمتک تذکارینه تردیفاً ینه انلرک هر نه صورته ایسه کفران نعمت ایدرک نفسلرینه ظلم ایله کندیلرینی متضرر ایلدکاری ذکر ایدیور . وشوبله بیوریور : [و] صحرای تهیده ایکن سزی کونشک قیزغین حرارتندن وقایه ایچون اورایه سوق ایلدیکمز [بلوطی اوزریکمز تظلیل [وسایبان] ایتدک وسزی مرزوق ایلدیکمز شیلرک طیباسندن [مباح ونفسارندن] اکل ایدک [دیهرک] سزه مَنّ و سَلْوى ازال ایلدک [انعام واحسان ایتدک] . انلر [یعنی اسلافکمز کفران نعمت ایتدیلر ، فقط بوکفران نعمت ایله] بزه ظلم ایتدیله ، کندیلرینه ظلم ایدیور ایدیلر .

شیخ محمد عبده مرحوم دیور : مفسر من [جلال] ایله سائر مفسرین بلوطی اینجهک ایله توصیف ایتشارسه ده بونک مناسی یوقدر ، چونکه ظلیل ماده سنک افاده ایلدیکی ظل ظلیل انجق کونشک قیزغین حرارته مانع اوله بیله جک سحاب کثیف ایله حاصل اوله جغندن سیاق کلام سحابک رقیق اولسنی دکل ، بالعکس کثافتنی اقتضا ایدر . مابه الامتتان اولان نعمتک تمام اولسنی ده انجق سحابک کثیف اولسیله تحقق ایلر ، اسرائیلونک کندیلرنجه معروف و منقول اولان ده بودر .

قبل الهیدن احسان و عنایت بیوریلان شینک خلق و ایجادینه [ازال] تسمیه اولنور ، « وازلنا الحديد » قول شیرینی یوقبیلندیر . مع مافیه [من] شبنم کبی هوادن یاغدینی جهته اکا نسبت ایدرک نزولی معنای حقیقیسنه حل صحیح اولدینی کبی سلوایه نسبت ایله ده معنای حقیقیسنه حل صحیحدر . من : لزوجتی و طائنی اوله رق باله اکدیرر بر ماده درکه هوادن طاشلار و اجاج یاراقلری اوزرینه مایع اولدینی حالدیه دوشر و صکره طونوب قوریمسیله خالق انی طوبلار [ترکجه ده بوکا قدرت حلواسی دینور] . بونک انواعی اولوب « ترجین » او نوعلردن بریدر . سلوانی « نمانی » دنیان مرغ معلوم ایله [یعنی ترکجه ده یلوه دیدکلری قوش ایله] تفسیر ایتشارددر .

« وما ظلمونا ولكن كانوا انفسهم يظلمون » قول شریفنده بر قاعده مهمه یی تقریر وارکه اوده : دینک عیددن طلب ایتدیکی هرشی انک منفعتی ایچوندیر . وهر نهدن انی نهی ایدرسه او نهی ایله اندن بر مضرتک دفعی قصد اولمشدر . هیچ برامر و نهیدن خالق متعال حضرتلری ایچون بر نفع و ضرر یوقدر . ابن آدمک هرشی و عملی یا لهنه و یا علیهنه اوله رق کندینه عائددر . « لها ما کسبت و علیها ما اکتسبت » - انتهى .

بونک موضوعات بشریه ده بر جوق امثال و نظائر واردر . مثلاً قانون اساسی موجبجه هرکس حریت شخصیه سنه مالک ایکن حکام تجارتدن ممنوعدرلر ، بوجه ایله حریتلری تقید ایدلمشدر . برحاکم تجارتله توغل ایتسه ذهنی اکا متعلق معاملات و عوارض ایله مشغول اوله جغه مبنی و وظیفه سنی صحت فکر ایله ایفا ایدمن ، فضله اوله رق ربیع و تمتع شوق و هوسنک احوال و وظیفه یه نفوذی ده محتملدر . بناء علیه تجارتدن منع ایدلمسه حقوق عامه مادی و معنوی ایکی صورته رخنده دار اولور . شو حالدیه حکامک تجارتدن منع ایدلملری حریتلرنی تقید ایتسه ده هم کندیلری هم هیئت اجتماعیه حقنده باعث خیر و سلامتدر . موضوعات

بشریده صور مختلفه ایله وقوعه کلن تقیید حریت اسباب معقولیه مستند اولنجه ارتق خالق ذوالجلال حکیمک نهی و تحذیرلرنده نه قدر حکم و مصالح بولندینی دوشونملی در . ذاتاً جمعیات بشریه بی محافظه و ادامه ایدن حریت حریت مشروعه در، یعنی هر فردک حقوق شخصیه واجتماعیه سنه مالک بولنمیدر . هرکس فطرتاً حائز اولدینی حریت مطلقه بی استعمال ایدمک اولورسه ادب ، اطاعت ، انتظام ، خوف و هراس کبی روابط ضروریه اجتماعیه چوزیلور . و بناءً علیه نه حالت اجتماعیه ، نه حریت ، نه رفاه معیشت قالور . هرکس بر قوه غالبه نک زبون پنجه نکالی اولوب کیدر .

برکت زاده اسماعیل حق

بِسْمِ اللَّهِ الرَّحْمَنِ الرَّحِيمِ

التجريد الصريح
لأحاديث الجامع الصحيح
ترجمه سی

۴ — مریث شریف

عَنْ جَابِرِ بْنِ عَبْدِ اللَّهِ الْأَنْصَارِيِّ رَضِيَ اللَّهُ عَنْهُمَا وَهُوَ يُحَدِّثُ عَنْ فَتْرَةِ الْوُحْيِ
فَقَالَ فِي حَدِيثِهِ يَنْبَأُ أَنَا أَنَشِي إِذْ سَمِعْتُ صَوْتًا مِنَ السَّمَاءِ فَرَفَعْتُ رَأْسِي [۱]
فَإِذَا الْمَلَكُ الَّذِي جَاءَ فِي بَحْرَاءِ جَالِسٌ عَلَى كُرْسِيِّ بَيْنَ السَّمَاءِ وَالْأَرْضِ فَرُعِبْتُ [۲]
مِنْهُ فَرَجَعْتُ فَقُلْتُ رَمَلُونِي رَمَلُونِي . [۳] فَأَنْزَلَ اللَّهُ تَعَالَى [۴] يَا أَيُّهَا

[۱] (فرغت بصری) ده مرویدر . [۲] دیگر نسخه ده رانک فتعيله (فرغت)

[۳] بر روایتده برکه (زملونی) ، دیگر روایتده (دثرونی) وارد اولمشدرکه ایکنجیمی
آنیاکله جک آیت کریمه په ده موافقدر . [۴] دیگر روایتده (تعالی) پرینه (عزوجل) .